

COMPETENCIAS CLAVE

QUE SON?

É o conxunto de coñecementos e competencias básicas que se esixen para asegurar que a persoa posúe a formación mínima necesaria para cursar os módulos dos certificados de profesionalidade con aproveitamento.

Normativa que as regula: ORDE do 7 de xaneiro de 2014 pola que se establecen os requisitos formativos para o acceso á formación dos certificados de profesionalidade de nivel 2 e 3 de cualificación profesional e se regulan as probas de avaliación en competencias clave, publicada no DOG do 15 de Xaneiro de 2014.

Nesta Orde establécese, entre outras cousas:

- Criterios de acceso ós certificados de profesionalidade de nivel 2 e 3.
- Coñecementos dos que se examinará en cada competencia.
- Desenvolvemento das probas (como se convocan, solicitude, requisitos formativos do persoal que avaliará as probas...)

As probas para examinarse das Competencias Clave publicaranse mediante Resolución publicada no DOG.

Superar as probas de competencias clave serve exclusivamente para poder realizar cursos de certificados de profesionalidade, non ten validez académica

REQUISITOS DE ACCESO ÓS CERTIFICADOS DE PROFESIONALIDADE

- 1) Para acceder á formación dos certificados de profesionalidade do nivel de cualificación profesional 1 non se esixirán requisitos académicos nin profesionais.
- 2) Para acceder á formación dos certificados de profesionalidade do nivel de cualificación profesional 2 as persoas aspirantes deberán cumprir algún dos requisitos seguintes:
 - a) **Estar en posesión do título de graduado ou graduada en educación secundaria obrigatoria (ESO).**
 - b) **Estar en posesión dun certificado de profesionalidade do mesmo nivel** do módulo ou módulos formativos e/ou do certificado de profesionalidade a que desexa acceder.
 - c) **Estar en posesión dun certificado de profesionalidade de nivel 1** da mesma familia e área profesional.
 - d) **Cumprir o requisito académico de acceso aos ciclos formativos de grao medio, ou ben ter superado as correspondentes probas de acceso convocadas polas administracións educativas.**
 - e) **Ter superada a proba de acceso á universidade para maiores de 25 anos ou 45 anos.**
 - f) **Ter o certificado de apto nas competencias necesarias para acceder ós certificados de profesionalidade de nivel 2** de cualificación correspondente, a través da superación das probas de avaliación en competencias clave convocadas pola Consellería de Traballo e Benestar.

Estarán exentas da realización destas probas as **persoas que superasen con avaliación positiva accións formativas correspondentes a competencias clave que figuren no ficheiro de especialidades formativas do Servizo de Emprego Público Estatal** (Esta acción formativa refírese a que existe un curso AFD de competencias clave de nivel 2 e si se supera enténdese que están superadas as competencias clave)

Para acceder á formación dos módulos formativos dos certificados de profesionalidade do **nivel de cualificación profesional 3**, as persoas aspirantes deberán cumprir algún dos requisitos seguintes:

- a) Estar en posesión do **título de bacharelato**.
- b) Estar en posesión dun **certificado de profesionalidade do mesmo nivel** do módulo ou módulos formativos e/ou do certificado de profesionalidade a que desexa acceder.
- c) Estar en posesión dun **certificado de profesionalidade de nivel 2 da mesma familia e área profesional**.
- d) **Cumprir o requisito académico de acceso aos ciclos formativos de grao superior, ou ben ter superado as correspondentes probas de acceso** convocadas polas administracións educativas.
- e) **Ter superada a proba de acceso á universidade para maiores de 25 anos ou 45 anos**.

f) Ter o **certificado de apto nas competencias necesarias para acceder ós certificados de nivel 3 de cualificación** correspondente, a través da superación das probas de avaliación en competencias clave convocadas pola Consellería de Traballo e Benestar. Estarán exentas da realización destas probas as **persoas que superasen con avaliación positiva accións formativas correspondentes a competencias clave que figuren no ficheiro de especialidades formativas do Servizo de Emprego Público Estatal** (Esta acción formativa refírese a que existe un curso AFD de competencias clave de nivel 3 e si se supera enténdese que están superadas as competencias clave)

No caso de acceder ós certificados de profesionalidade a través da superación das probas de avaliación en competencias clave, as competencias necesarias de acceso ós distintos certificados de profesionalidade e segundo o recollido no anexo I da Orde do 7 de Xaneiro son:

- Competencia **matemática**.
- Competencia en comunicación en **lingua castelá**.
- Competencia en comunicación en **lingua estranxeira** (necesario para cursar aqueles certificados de profesionalidade que inclúan un módulo de lingua estranxeira, no nivel de cualificación e na lingua estranxeira que correspondan).
- Competencia en comunicación en **lingua galega** (si se ten a validación do nivel de **CELGA** non sería necesario realizar a competencia clave de galego).

AS PROBAS DE COMPETENCIAS CLAVE

- A Dirección Xeral de Emprego e Formación da Consellería de Traballo e Benestar determinará para cada convocatoria de probas de avaliación en competencias clave as competencias e os niveis de cualificación destas que se ofertarán en cada caso.
- Para poderen inscribirse no procedemento de probas de competencias clave, as persoas aspirantes deben **ter cumpridos dezaseis anos no ano de realización da proba, tanto para as probas de nivel de cualificación 2 como para o nivel de cualificación 3.**
- A Dirección Xeral de Emprego e Formación, convocará **probas de avaliación polo menos unha vez ó ano**, mediante a publicación dunha resolución onde se concretarán todos os aspectos do procedemento: datas, lugar, horarios e demais condicións de realización das probas. Na convocatoria, de ser o caso, informarase das posibles condicións de exención ás probas de avaliación das competencias convocadas segundo a normativa vixente.